



August

2020

August

Affrieter der Heimatvereine in der Stadt Borken

Reiß
mich ab!
Platt ist in!!!




Knickern

Kindhäit vör 70 Joahren

Well in de 50er—60er Joahre up`ewassen is, kann kuum glööwen, datt he noag lääwt. De Kinder satten oahne Sicherhäits-gurt un Ärbäg in't Auto. An't Hellmdrägen bij't Radführn dach man noag nich. Et woadde buten `espöallt. In de Ferien käm man blos to't Middagääten noah Hus un wann et düster woadde. Nümms wuss, wo de Blagen wehrn. Et goaww kinne Kettcars, man bauen `nen oallen Bollerwagen üm un jagen doarmet, oahne Kettenantrieb döar de Gägend. De annern Jungs moassen schuwen bes se an de Riege wassen.

De friske Luft un denn Kontakt met Moeder Erde un Moddewater meek us Blagen



resistent. Naja moangs was man`n bettken verköhlt un leep met `ne Schnötterbelle rüm. De Knee hadden ümmer `ne Bratsche, doar keem een enfakket Ploaster drup. Et woadde ut eene Pulle `edrunken. Nümms is dran dood`egoahn.



Nümms woadde ergendwo hen-`ebraggt oaff aff`ehalt. Man bruken nich noah de Musikschoole.

Up de Stroate was wennig Verkehr, man koann doar Fußball spöallen, Haudopp un Iskadoppp driewen, Pinnekenkloppen. Wann de Kornfelder affgemait wassen, leet man denn söalwsgebauten Windvoaggel stiegen.

De Maikes spöallen Ball an de Müer, Seelken springen un troakken met denn Puppenwagen dör de Gängend.

Dat Lääwen bestoann oawwer nich blos ut buten spöallen un harümströopen, näh, man moass ook Verantwortung öawwernemmen, Geschwister uppassen, in'n Goarden helpen.

Joa, un Sunndags moass man in de Christenlehre. Dat woadde kontroleert.

Wat se vandage alle häbbt, Handy, Computer, Videospölle un wat weet ik noagg, doar häff noag nümms an`edacht. Wann ij noagg mehr wetten willt, dan mütt ij Omma un Oppa froagen.

Herkunft unbekannt
übermittelt durch Irmgard Kaiser, Marbeck
überarbeitet HE

Worterklärungen:

Blagen - Kinder
schuwen- schieben
Moddewater - trübes Wasser
Schnötterbelle - grünliches
Sekret aus der Nase.
Bratske- Schramme
Knee- Knie
Ploaster- Pflaster
Windvoaggel- Drachen

